



PREZIDÊNCIA KONSELLU MINISTRUS

VIII GOVERNUN KONSSTITUSIONÁL



Gabinete
Porta-Voz

KOMUNIKADU IMPRENSA

Governu hato'o ninia solidariedade ba Indonézia

Lori povu Timor-Leste nia naran, Governu hato'o kondolénsia ba família no belun sira husi vítima husi rai nakdoko tutuirmalu ne'ebé atinji pontu aas liu ho tsunami ida iha Palu, iha illa Sulawesi, Indonézia nian, iha loron-sesta, loron 28 fulan-setembru. Governu hato'o mós ninia solidariedade ba Governu no povu Indonézia, ne'ebé maka hasoru dezastre naturál boot ne'e.

Rejiaun Palu mak área ida-ne'ebé besik liu no afetada liu husi rai nakdoko, ho magnitude 7,5 eskala Richter ne'e, no tsunami ne'ebé provoka husi rai-nakdoko ne'ebé makaas.

Rejiaun ne'e hetan estragu maka'as liu tanba rai-nakdoko no tanba tsunami ne'ebé mak akontese tuirmai, no afeta ba ema rihun ba rihun hodi halo ema barak maka lakon sira-nia vida, kanek no balu lakon seidauk hetan. Ekipa sira salvamentu nian kontinua buka nafatin mate-restu sira.

Governu Timor-Leste hahí servisu husi autoridade sira iha asaun atu buka tuir no salva iha kondisaun sira ne'ebé susar tebes. **REMATA**



Palácio do Governo,
Avenida Presidente Nicolau Lobato,
Dili, Timor-Leste